



KOMUNIKADO PA PRENSA

Fecha
1-09-2017

Accountmanager Komunikashon
Jahaira Nahr

Email
jahaira.nahr@gobiernu.cw

Obra Públiko ta sigui ku e siguiente fase di e trabounan na viadùkt Arubastraat, Otrobanda e fin di siman aki

Willemstad - Trabounan nesesario, na viadùkt A.A. de Lannoy- Willems Boulevard for di Arubastraat bai Koningin Julianabrug direkshon di Punda, ta sigui. Outomobilistanan lamentablemente mester tuma e fin di siman aki tambe un ruta adaptá. Riba dianan 2 i 3 di sèptèmber, e kaminda bou di e viadùkt menshoná ta será pa tráfiko entre 8'or di mainta i 5'or di atardi.

Pa por yega na nan destinashon, tráfiko ku ke bai den e direkshon di Punda i ku normal ta pasa bou di e viadùkt di Arubastraat, mester sigui e diferente bòrchinan ku ta duna un guia na kon pa kore. Pa bai direkshon di Punda biniendo for di Saliña, na lugá di kita for di brùg pa baha bai na Otrobanda, mester sigui bai e lusnan di tráfiko na Seru Dòmi i hasi un 'u-turn' pa bai bèk i kita for di e kaminda pa por drenta Otrobanda.

Un parti di e trabou ta tras di lomba kaba i den e fin di siman aki Betonbouw ta bai sigui ku algun trabou mas riba e viadùkt. E trabounan ta andando pa algun tempu kaba den fase. E ta tuma tempu pa motibu ku ta trata di un renobashon struktural i duradero. Ora ta kla ku e viadukto na Arubastraat, ta sigui ku esun na Skalo.

Kontratista Betonbouw NV, Obra Públiko i polis tékniko ta pidi públiko pa tene kuenta ku e trabounan i adaptá nan ruta durante di e trabounan di mantenshon. Ora no ta nesesario pa sera e kaminda kompletu, ta habri sikiera un via. Ta pidi outomobilistanan pa tene kuenta ku personal i material di renobashon ora ta trafiká den besindario di e viadùkt.